

## Lamalki barri Adiveentistooti Xinta Ammanubba

Lamalki barri Adiveentistooti Qullaawa Maxaafa callichcho ammanansa xinta assite adhitaawoha ikkana manaado xinta ammanate rosubba (asitemihirowochin / doctrines) konni Qullaawu Maxaafi rosubbaati yite adhitaawo. Kuri ammanate rosubba tenne borro aana shiqqiyoonte gede Adiveentistete Qullaawu Maxaafi huwatanna shiqinshshaayi gara riqibbanno. Kuri borrubba Adiveentistete kalqete songo (General conference session) aana Qullaawu Ayaani Maganu Mine (Beetekiristiyaane) wo'mu Qullaawu Maxaafi wodancha widira massagise deerrinii woyi kaayinni woyyiyo daninii shiqishshate kaa'lise deerrinii galagalite woyyaabbara dandiitaawo.

<b>Ammanate birxichonna, Qummeessubba</b>	<b>Jajjabbaho</b>	<b>Qaaquulleho</b>
<p><b>1. Qullaawa Maxaafa</b></p> <p>2 Phex. 1:20-21; 2 Ximot. 3:16-17; Faa. 119:105; Lawi. 30:5-6; Isa. 8:20; Yoh. 17:17; 1 Tese. 2:13; Ibra. 4:12</p>	<p>Qullaawu Maxaafi, yaano Bireenna Haaru Gondoori, Maganu Xalallu mannooti Ayyaanu Qullaawinii massagante cooyidhiyoonna borreesitiyooo Gordu xawishshiiyi uamamiyoo borreessamiyoo Maganu Qaalleeti. Konni Qaali giddo Maganu mannu oosora gatote hasiissaawo ogimma woriyoo. Qullaawu Maxaafi soro afi'noikki Maganu hasatto xawishshaati. Hakko daafono Qullaawu Maxaafi taalu amagnnooti bikka, roso baala fonqqollaayii halaaleeti. Maganu Qaali Roso baala Maganu mootimmaayi xawisaawonna ammannara hasiisaawo dhaggete giddo Maganu loosi oodooti.</p>	<p>Qullaawu Maxaafi Maganu Maxaafaati. Isi ninkera sooyino sokkaati. Qullaawu Maxaafi giddo Maganu huuro cooyidhananke macciishshineemmo.</p>
<p><b>2. Silase</b></p> <p>Marro. 6:4; Mat. 28:19; 2 Qor. 13:14; Efe. 4:4-6; 1 Phex. 1:2; 1 Xim. 1:17; Aju. 14:7</p>	<p>Mittu Magani no:- Annu, Beetunna Qullaawu Ayaani sasu hegere bissa mittimma; Maganu reyaannokki, wo'ma dandaanno, wo'ma egeniyoo, wo'munku aliidinna wo'manka wooyite nooho. Hegerehonna mannu surreeyi afamateeyi sa'iyooha ikkana, Isi Umisi daafira aanno xawishshinnii (egennoyii) afamaawo. Maganu hegerera kalaqamu baalu Magansira, kumbuli yaanna soqqanshsho adhdhara ikkadoho.</p>	<p>Maganu bisuuyi saseho: Maganu Annu, Yesuusi (Beettu) hattono Qullaawu Ayaani. Hedonsa mitte ikkityoohura hattono loosinsa mitto ikkiyoohura mitto Magano assine hendeemmo (adhineemmons).</p>
<p><b>3. Anna</b></p>	<p>Hegerehu Maganu Annu kalaqamu baalu kalaqaanchchi, buichcho, baala woraahonna biiloho. Coichchanna xalala, maaroyihanna shaqqado, hanqoho gede'niyooha, jawaatu</p>	<p>Maganu annu daafira baalare dianfoommo. Kaayinnilla</p>

<p>Kala. 1:1; Aju. 4:11; 1 Qoro. 15:28; Yoha. 3:16; 1 Yoha. 4:8; 1Ximo. 1:17; Fulo. 34:6-7; Yoha. 14:9</p>	<p>baxillisinna ammanamasi batidhiyooho. Beettunna Qullaawu Ayaani aana leelitaawo aayimma Annu aanano leelitaawote.</p>	<p>beettosi Yesuusi Kiristoosi ninke gatisate sooyino daafo baxaawonketa anfoommo.</p>
<p><b>4. Beetto</b></p> <p>Yoh. 1:1-3, 14; Qola. 1:15-19; Yoha. 10:30; 14:9; Rom. 6:23; 2 Qor. 5:17-19; Yoh. 5:22; Luq. 1:35; Fili. 2:5-11; Ibr. 2:9-18; 1 Qor. 15:3-4; Ibr. 8:1-2; Yoh. 14:1-3</p>	<p>Hegerehu Maganu Beettu Yesuusi Kiristoosi ikke maala uddiri. Isinii baaluri kalaqami. Maganu akati xawi; mannu sirchi gato gumulantu, hattono tenne kalqe aana yoo aamantu. Hegerera co'ichcha Magano hattono co'ichcha manchcho ikki. Yesuusi Kiristoosi Qullaawu Ayaaniyii godowame seemo Maariyaamiwii ilamiyoo. Mancho ikke tene baattora heerateeyi, manchchu gede fonqolamiyooha nafa ikkiro co'ichchu garinii Maganu xalallenna baxille leelishiyo. Dhagesinii Maganu wolqa leelishiyooha ikkana, Maganu hexxo uuyino buuraminnoha ikkiyooti farcirantu. Beettu fajjosinii ninke cubbi daafira ninke riqiwe raantiri, reeyi, reyooteeyino ka'i, ninke daafira Gordu Meqidesera (Qullaawa mine) soqqamara Gordo fuli. Dagasino mitte higgenna hegerera wolaphphisara, cooye baalano uwate albaanni noo basensara galagale qolate aayirigngnunii daanno.</p>	<p>Yesuusi Magano ikkiyooha nafa ikkiro tenne baatto daaye gatisankera manna ikki. Wo'muyi wo'ma ninke hee'neemo gede ikke heeri. Kaayinnilla horonta cubbo diloosiyo. Hakiinino ninke cubbira yee reeyi.</p>
<p><b>5. Qullaawa Ayaana</b></p> <p>Kal. 1:1-2; Luq. 1:35; 4:18; Soqq. 10:38; 2 Phex. 1:21; 2 Qor. 3:18; Efe. 4:11, 12; Soqq. 1:8; Yoh. 14:16-18; 14:26; 15:26-27; 16:7-13</p>	<p>Hegerehu Maganu Qullaawu Ayaani Annunna Beettu ledo kalaqu, Maganu maala uddirasi gidonna cubbuyi uwiyo mancho woxxate giddo jawaata qeechcha afiriyo. Qullaawu Maxaafi borreessaano massagiyo, Kiristoosi heeshsho wolqateeyi wonshshiiyo. Manna ufaawo, Mootichchu widirano goshshooshaawonsa. Tenne baxillu goshshooshara maahoye yitaawore haaroonsaawo, Magano lawate widirano soorraawo. Wo'ma wooyite oososi ledo ikkaawo gede Annunna Beetuwiini soammame ayaanaame elto Beetekiristiyaanete aanno. Kiristoosira taje ikkitaawo gede Beetekiristiyaane wolqateeyi wonshshaawo; Qullaawu Maxaafi ledo sumuu yiino daniniino halaalu baalu widira qole massagaawose.</p>	<p>Qullaawu Ayaani wodananke soorratenna roore Yesuusa lambeemmo gede assankera loosaawo. Yesuusa lambeemmo doogo leellishshankera wodaninkera cooyoraawonke.</p>
<p><b>6. Kalaqama</b></p> <p>Kal. 1; Kal. 2; Ful. 20:8-11; Faar. 19:1-6; 33:6; 33:9; Faar. 104; Ibr. 11:3</p>	<p>Maganu cooyi baalu kalaqaanchooti. Konne kalaqu loosisi odoono Gordu biilognnini duduwaawo Qullaawu Maxaafi giddo xawisiyo. Leewu barri giddo Mootichchu "gordonna baatto" baattoteno noo heeshsho afidhiyo kalaqamma baala kalaqe umi lamala lamalki barra fooliishshiriyoo. Hakko daafo kalaqate loosisi gumulo hegere qaagiishsha ikkaawo gede Sanbata uurisiyo. Umi labaana meyaa manni kalaqamu loosi guunxxo ikke Maaganu lawishshinii kalaqamiyo; kalqete aana biiloogngnu aamamiyoonsa. Kalqenke loosante goofu waro "Lowo geeshsha faayya" nna Maganu aayirigngne lallabbaawotenka.</p>	<p>Maganu baalu kalaqaanchooti. Leewu barri giddo kalqe kalaqe owaataawose gede mannaho uyii. Hakkiinino fooliishshotenna Iso qaagate yanna, Sanbata, kalaqi.</p>

<p><b>7. Mannu kalaqama</b></p> <p>Kal. 1:26-28; 2:7; Faar. 8:4-8; Soq. 17:24-28; Kal. 3; Faar. 51:5; Rom. 5:12-17; 2 Qor. 5:19-20; Faar. 51:10; 1 Yoh. 4:7-8; 4:11; 4:20; Kal. 2:15</p>	<p>Labbahunna meyaati Maganu lawishshinii kalaqantu; uminsa aayimma noonsa, hedatenna assate wolqanna doorshshu wolaphpho noonsanka. Aayeno wolaphphitiyoo mannoota ikkite kalaqanturono mittu mittunku babbaxxara dandaannokki bisu, surretenna ayyaanu mittimma guma ikke heeshshote, foolehonna baalunku cooyira Maganu aana irkidhaaworeeti. Umi anninkena amanke hajajama hoogansa / shittansa Maganu aana noonsa irkira gimbi yaansa ikkitanna hakkuuyinino Maganu biiloogni woroo ikkite noonsa jawimmaayi ubbu. Giddonsa noo Maganu lawishshi (la'ooshshi) shokki. Rewoteeyino ce'antu. Ilamansano konne uwiyo kalaqamanna laalawo guma beeqqitaawore ikkitu. Daafurunna cubbu widira qole tuqqate ledoo ilantu. Kaayinnilla Maganu Kiristoosi Yesuusini kalqe umisi ledoo araarsiyooha ikkana Qullaawu Ayyaani aagintaabbaawo cubbattaammi giddo kalaqaanchinsa lawishsha galagale haaroonsaawo. Insano Maganu aayirignira kalaqamansa gede mimmitu ledoo baxantaranna qarqarinsara qorowo adhitara woshshantiyoo.</p>	<p>Maganu kalaqiyoonkehu Iso lambammoraati. Ikkollana Adaamina Hewaani cubbo loosansaayi kaiyoohunni mannu baalu cubbaataamo ikki; hakkiinino xibbuna reeyo mittu mittu manchi widira daggu. Kaayinilla Yesuusi cubbuuyi gatisankeranna hakkuri raantubba baala hunara daayi.</p>
<p><b>8. Baayira Sharro</b></p> <p>Aju. 12:4-9; Isa. 14:12-14; Izr. 28:12-18; Kal. 3; Rom. 1:19-32; 5:12-21; 8:19-22; Kal. 6 - 8; 2 Phex. 3:6; 1 Qor. 4:9; Ibr. 1:14</p>	<p>Manchu sirchi baalu Maganu amagnoote, hajajosinna kalqete baalate aana baayireegnasi la'iyoohunni Kiristoosinna Sheexaanu mereero noo baayira sharro giddo beeqaanchchoho. Kuni oli hanafaminnohu mittu doorshshu kaayo uuyinoonni kalaqami boo'nateeyi Sheexaane (Maganu diina) ikkinna sokkaanote gidooyino gama shittimate widira qole massagi wooyiteeti. Adaamina Hewaani cubbu widira qole massagi wooyite shittimate ayaana tenne baatto eessi. Kuni Manchu sirchi cubbi Manchu sirchi giddo noo Maganu lawishshi (soni) diqillaawaa gede, kalqete kalaqami raga ba'aa gedenna gumuloteno kalqe wo'ma iillishiyoo waayi ba'ooyi raaphphe ba'ara kaima ikkiyoo. Kalaqamu baalu da'ataano ikkiyoo daninii tini baatto kalqe baala hanqafiyoo oli battala ikitiyooha ikkana gumulote kaayinni baxillu mootichchi Maganu qeelleeyi baaluri gumulamaawo. Dagasi tenne sharro giddo kaa'late Kiristoosi Qullaawa ayyaanasinna ammanantiyoo sokkaanosi Isi daga massaggara, agartaranna gatote doogo aana irkisse wortaaawonsa gede assanno.</p>	<p>Lusifeeri hakkuuyi gedensaanni Magano harunsa hoogate doodhi yannara, Isinna sokkaanosi gorduuyi tugantu. Sheexane ikkeno Adaamina Hewaani Maganu aana huluullantaawo gede fonqolinsa, insano cubbo loossu. Kaayinilla Yesuusi mancho ikke, co'itte heeshsho heerateeyinna cubbinke asale baatate reyaatenii wirro hige olami.</p>
<p><b>9. Kiristoosi heeshsho, rewoonna, rewooteeyi ka'a</b></p> <p>Yoh. 3:16; Isa. 53; 1 Phex. 2:21, 22; 1 Qoro. 15:3, 4, 20-22; 2 Qoro. 5:14, 15,</p>	<p>Maganu fajjora co'o hajajamiyoo Kiristoosi heeshshooyi, Kiristoosi raantiraayi, reewonna ka'aayi Maganu Manchu sirchi cubbira ikkitaawo gatote (cubbu agurama) doogo qixxeessi. Kunino qixxaanbohu konne ammanateeyi adhitiyoori baalu hegere heeshsho heedhaawonsa gedenna wo'ma kalqeno hegerehanna xalalu kalaqaanchchi baxille roore wodanchitaawo gedeeti. Tini co'ite cubbu gatona yaamama Maganu hajajubba xalallenna amagnootisi shaqqille lallabiyoote. Korqaatuno cubbinke aana qorichchu yoo anno hattono ninkera</p>	<p>Annunna beettu tenne baatto kalaqansara alibaanni "Mite ikke kaayinni ... ikkiro" yitaawo mixo (Iqide) wodhitiyoo. Mannu ooso Sheexaane harunsate doodhituronna</p>

<p>19-21;Roome 1:4; 3:25; 4:25; 8:3, 4; 1 Yoha. 2:2; 4:10; Qola. 2:15; Phili. 2:6-11</p>	<p>maaro aannonke. Kiristoosi reewo riqiwateeyi reeyinooyita ikkite cubbu gatona uaa, araarsanna soorra dandiitaawote. Kiristoosi ka'a cubbu wolqubba aana Maganu qeelle lallabaa hattono gatona adhitaawo baalira cubbunna reewoote aana afidhiyoo qeelle lallabaawote. Alibasiinni gordohonna baattote noo guluchchi baalu guluphaawosi Kiristoosi mootichchimmano lallabaawo.</p>	<p>cubbaataamma (Maganu diinna) ikkituro hissite woxxitaaworo qixaawo assitiyoo.</p>
<p><b>10. Gatote rosichcho</b> 2 Qoro. 5:17-21; Yoh. 3:16; Gel. 1:4; 4:4-7; ; Tiito 3:3-7; Yoh. 16:8; Gel. 3:13-14; 1 Phex. 2:21-22; Roome 10:17; Luq. 17:5; Mar. 9:23, 24; Eph. 2:5-10; Roome 3:21-26; Qol. 1:13, 14; Roome. 8:14-17; Gel. 3:26; Yoh. 3:3-8; 1 Phex. 1:23; Roome 12:2; Ibr. 8:7-12; Izr. 36:25-27; 2 Phex. 1:3-4; Roome 8:1-4;5:6-10</p>	<p>Maganu hegere baxillisiinna maarosinii ninke Isii Maganu xalalle ikkineemmo gede cubbu afiyooikki Kiristoosi ninke daafira cubbo assisi. Qullaawu Ayaaninii massagamme xeiyoonkere huwanteemmo, cubaataamimmanke wodanchineemmo, sa'onke daafira maaro e'neemmo, Yesuusa mootichchunna Kiristoosimma ammana rosiisi'neemmo. Hattono riqiwaanchinkenna lawishshinke gede adhineemmosi. Tini gato abbitaawo ammana Maganu baayiru qaali wolqa widoonni dagannoha ikkana Maganu eltote afanshaati. Kiristoosi widooni xalalloommo. Maganu labballonna seenne oososi asse adhiyoonke, cubbu borojjimaayino wolaphpho fulloommo. Qullaawu Ayaani loosiniino galagalle ilammoomo, xalalloomono, Qullaawu Ayaani surrenke haaroonsaawo, Maganu baxillu hajajubba wodaninke giddo borreessaawonke, hattono xalala heeshsho heerate wolqa aannonke. Isinii heerateeyi Magano lawate aayimma beeqaanno ikkineemmo hattono techchono ikko yoote barra gatote buuxantiyoo hexxo (waastinnu) noonke.</p>	<p>Isi diina ikkine hee'neenna Maganu baxenke ninke gatisate Yesuusa sooyi. Yesuusa adhineemo wooyite ninkeno oososi asse Isi maate widira adhaawonke.</p>
<p><b>11. Kiristoosinii lophpha</b> Faa. 1:1-2; 23:4; 77:11-12; Qola. 1:13-14; 2:6; 2:14-15; Luq. 10:17-20; Eph. 5:19-20; 6:12-18; 1 Tes. 5:23; 2 Phex. 2:9; 3:18; 2 Qoro. 3:17, 18; Phili. 3:7-14; 1 Tes. 5:16-18; Mat. 20:25-28; Yoh. 20:21; Gel. 5:22-25; Roome 8:38, 39; 1 Yoh. 4:4; Ibr. 10:25</p>	<p>Masqalu aani reeyosinii Yesuusi bushu aana qeellesi lallawi. Uullate aani soqqanshosinii diinu ayyaanna qeeliyoo Yesuusi wolqansa hiiqqaaqqi, gumuloteno hegerera ba'ote yoo afidhaawota (ba'aawota) buuxamiyoo cooye assi. Kiristoosi ledo keeruyi, hagiiruyinna baxillesi buunxaayi qaanfummo deerinii Kiristoosi qeelle ninke qafaddara hasidhaawo bunshete wolqubba aana qeelle uyuyitaawonke. Xa Qullaawu Ayaani giddonke heeraawo, wolqano aannonke. Yesuussa sufoteeyi gatisaanchonkenna mootichanke assine umonke Isira uuyinummo deerrinii biree loosinke duhinii wolaphphareeti. Horonta konni gedensaanni tunsoteeyi, busha wolqubbaayi, afa hoonguuyi hattono biree heeshshonke doogo doofaareeyi (kentunnet) dihee'neemmo. Kiristoosiwiinni afi'noommo tenne haaro wolaphooyi Iso lawateeyi lophinammora, barru barruuyi Isi ledo huuccattoteeyi xaandammora, qaalesi saga'linammora, qaalesinna danchummasi (assiyoonkere) hendammora (linaaselaasil) galatasi faarsinammora, magansirate mittimmateeyi gamba yinammora hattono Beetekiristiyaanete soqqanshsho giddo beeqinammoranna tenne baalateeyi lophphinammora</p>	<p>Yesuusi Sheexaane masqalu aana qeeliyoo daafo ninkeno qeellamora dandiineemmo. Qullaawu Ayaani aana irki'ne barru barruuyi roore Yesuusi lawate widira lophphinammora dandiineemmo.</p>

	woshshammoomo. Qarqarinkera noorira baxillu soqqanshooyi hattono mootichchinke gatisa farcirate umonke uuyinummo deerrinii Ayyaanisi widoonni uurrinsummokii giddonke heerasi mitte mittenta yannanna mitte mittenta ikkito / looso ayaanaamo rosichi widira qole soorraawo.	
<p><b>12. Maganu mine (Beete kiristiyaane)</b></p> <p>Kal. 12:3; Soq. 7:38; Eph. 4:11-15; 3:8-11; Mat. 28:19-20; 16:13-20; 18:18; Eph. 2:19-22; 1:22-23; 5:23-27; Qol. 1:17- 18.</p>	Beete kiristiyaane Yesuusi mootichchanna gatisaancho ikkasi lallabaawo ammanaano gambooti. Biree Gondoori waro noo Maganu daga haruma harunsite magansirate gamba yaate, mittimmate (rodiimmate mittimmar), qaaluyii qajeelate, Mootichchu hurbaati ayaanna assirate, Manchu beetti baalaho owaante aate hattono kalqete deerrinii wongeela lallawate kalqetewiinni baxxine fulloommo. Beetekiristiyaanete mootoonshshi bu'e maala ikkiyoo qaali Kiristoosiwiinni hattono borreessamiyoo qaali Qullaawu Maxaafiniiti. Maganu mini Maganu oososi asse adhiyoori hanqafantaawo Isi maate ikkitanna konni Maganu maate miillano haaru gondoori raginii heedhaawo. Maganu mini (Beetekiristiyaane) Kiristoosi biso Isi umisino umo ikkiyoo dagaati. Beetekiristiyaane xalashshaseranna co'itte assasera Kiristoosi reeyinose idaayichooti. Aayirado lellasi yannara dirra baalate ammanantiyoo, mundeesi waaga, xurre woy alibu kolossi yaa (Yefiit mecemaaded) nooikkita ikkita kaayinilla xalalanna minishe nooikkita ikkitiyoo jawaata Beetekiristiyaane asse umisira shiqishaawose.	Baalunku Yesuusa baxaawonna Iso harunsa rosaayi noo baattote noo Maganu maate miilaati. Tini maate addi addi manni miteenni ikke xintiyoota ikkitanna Yesuusino massagaanchoseeti.
<p><b>13. Gatatonna sokkase</b></p> <p>Aju. 12:17; 14:6-12; 18:1-4; 2 Qoro. 5:10; Yihu. 1:3; 1:14; 1Phex. 1:16-19; 2 Phex. 3:10-14; Aju. 21:1-14</p>	Kalqete Beetekiristiyaane Kiristoosa wodaninsaayi ammantiyoore baala hanqafaawote. Ikkollana gumulote yannara, yaano hala'laduuyi leelitaawo kaada mereero gatatu Maganu hajajo agadhitaranna Yesuusa ammanateeyi kaajjitara woshshante fultiyo. Kuri gatati yoote yanna iillitiyoota lallabaawo, Kiristoosi Yesuusi widoonni noo gato sabbakaawo, hattono galagale daasi mulitiyoota lallabaawo. Kuni lallawi Ajuujja 14te aana noo sase sokkaano lawishshinii shiqiyo, kunino gordoho noo yoote loosi ledo amadamiyooha ikkana baattote aanano aagintaawatenna haaroo'mate guma laalawo. Mittu mittu ammanaanchino tene kalqete deerri farcirara umisi beehashshi heeraawosi gede woshshamiyoo.	Gatatu baattote aana gumulote gatiyoo Yeesuusa baxxaawonna harunsitaawore ikkitanna tenne gumulote yannara loossaawo addi loosi noonsa.
<p><b>14. Kiristoosi bisi giddo noo mittimma</b></p> <p>Roome 12:4-5; 1 Qoro. 12:12-14; Mat. 28:19-20;</p>	Beetekiristiyaane mitte mittente gobba, sirchi, afiinna dagaayi woshshantiyoo duuchcha biliiteeyi / ammanaanooyi loosantiyoo mitto bisooti. Kiristoosinii ninke haaro kalaqamaati. Sirchu badooshshi, wogaayihu, rosu deerrihu, gobbayihu, jawunna shiimu labbaahunna meyaate mereero no badooshshi mereeronke babbadooshshe abbara horonta dihasiisaawo.	Maganu mini (Beete Kiristiyaane) duuchchunna addi addi manninii xintantiyoote. Kaayinilla baalunku miteenni

<p>Faa. 133:1; 2 Qoro. 5:16-17; Soq. 17:26-27; Gel. 3:27; 3:29; Qol. 3:10-15; Eph. 4:14-16; 4:1-6; Yoh. 17:20-23</p>	<p>Mittu ayaaninii Isinna mimmitinke ledo mitto ikkinammora amadisiisiyoonke Kiristoosinii baalinke taaloreeti, malaadanna lashshi yaa nooikkiha woleho soqqammamoranna woluno soqqamaawo soqqanshsho beeqqa hasiisaawonke. Qullaawu Maxaafi giddo Kiristoosi Yesuusini uuyinooyi xawishinii baalinke mitte ammananna mitte hexxo beeqineemmoha ikkana kalqe baala iillineemmo farcirankeno mittete. Tini mittimma ka'aahu oososi asse adhiyoonke sasimma giddo noo mitto ikkiyoo mootichchinke Maganuuyiwiniiti.</p>	<p>Kalqete Yesuusi daafira kulate loossaawo.</p>
<p><b>15. Cuu'ama</b> Roome 6:1-6; Qol. 2:12, 13; Soq. 16:30-33; 22:16; 2:38; Mat. 28:19, 20</p>	<p>Cuuamateeyi Yesuusi Kiristoosi reyoonna reyoo qeele ka'ate aana noonke ammana lallambeemmo, hattono cubboho reyaankenna haaro heeshshooyi millisate mudhdhanke farci'neemmo. Hakko daafo Kiristoosi mootichchinkenna gatisaanchinke gede assine adhineemmo, Isi daga ikkineemmo, hattono Isi Beetekiristiyaane miilimma adhitaawonke. Cuuama Kiristoosi ledo noonke mittimma, cubbinke gatona yaamama hattono Qullaawa Ayyaana adhanke malaateeti. Cuuama waayi giddo lixe e'e fulateeyi ikkitaawoha ikkana Yesuusi aana noonke ammana aana irkidhiyoo, hattono cubbu aagintaawanke malaateeti. Cuuama Qullaawa Maxaafa rosanna rososi (dokitiriinesi)no adhdhanke malaateeti.</p>	<p>Qullaawu Maxaafi Yesuusa gatisaanchonke assine doodhankenna roore Iso lambaayi lophpha hasi'neemmota leellishshate cuuama hasiisaawonketa rosiisaawonke.</p>
<p><b>16. Mootichchu hurbaate</b> 1 Qoro. 10:16-17; 11:23-30; Mat. 26:17-30; Aju. 3:20; Yoh. 6:48-63; 13:1-17</p>	<p>Mootichchu hurbaati Yesuusi maalanna munde ikkitiyoore beeqatenii Iso mootichchanna gatisaanchcho asse adha leelishaawoho. Tenne mittimma soqqanshsho giddo Kiristoosi dagasi xaadatenna jawaachchishate leellaawo. Hatee giddo beeqineemmo wooyite Isi galagale daa geeshsha hagiiruuyi rewoosi lallambeemmo. Mootichchu hurbaatira assinaayi qixaawo meessaneene fonqola, aagintaawanna maaro e'a hanqaffaawo. Mootichchinke Yesuusi lekka haayishshate soqqanshsho xalashshiyooha ikkana tinino leellishshaawohu haaro'mitiyoo keeraa'ma, mittu mittoho Kiristoosiha lawiyoo joongilii soqqamate noosi fajjonna baxilluuyi wodananke mitto assankeeti. Mootichchu hurbaati soqqanshsho baalante ammanaanora fanote (baalu koyisamiyoote).</p>	<p>Yesuusi masqalu aana cooyi'norena ninkera assiyoonkere qaagate Mootichchu hurbaate beeqineemmo. Lekkate haayishsha Yesuusi assinte gede mitto mittoho qorophaawo gede qaagissitaawonke.</p>
<p><b>17. Ayyaanaamma afanshubbanna soqqanshsho</b> Roome 12:4-8; 1 Qor. 12:9-11; 12:27-28; Eph. 4:8; 4:11-16; Soq.</p>	<p>Maganu Beetekiristiyaanete ammanaano baalaho baalante dirrubba giddo ayaanaamma afanshubba uuyinoha ikkana afanshubbano mittu mittunku ammanaanchi Beetekiristiyaanete guti horora hattono Manchu sirchi baalu horora baxilluuyi horonsirara Maganu mixooti. Mitto mittonko hasattosi gede beehaawo Qullaawu Ayaani assooshshi gede uamantaawo kuri afanshubba Beetekiristiyaane uyinoonnise sokka gumulo iillishshara hasiissaawose danduubbanna soqqanshubba uuyitaawose. Qullaawu Maxaafi giddo borro</p>	<p>Maganu Isira loonsammora mitti mittinkera addi addi ikkitiyoofanshubba woy mekliitubba uaannonke.</p>

<p>6:1-7; 1 Ximo. 3:1-13; 1 Phex. 4:10, 11</p>	<p>garinii kuri afanshubba giddo ammana, hursa, himana, soqqamaanchchimma (hawaariyaanet), rosiisa, gashsha, araarsa, danchumma hattono woloota mannubba kaa'latenna jawaachchishate meessaneene saayise aate soqqanshshonna hagiiruuyi beeha (Liggisinna) hanqafantaawo. Gamu gamu miilla Maganuwiinii woshshatto adhitenna Qullaawu Ayyaaninii wo'mite Beetekiristiyaanete egenantiyoo soqqanshubba yaano Pasiterimmateeyi (Allaalaanchimmateeyi), Wongeelaawimmateeyi, Soqqamaanchimmateeyi (Behawaariyannet) nna rosiisaanchimmate soqqanshshora baxxitaawo. Kurino addi garinii ammanaano soqqanshshote qodhisiisate, Beete kiristiyaane ayyaanaame le'a widira iillishate hattono ammanate mittimanna Magano afa hala'lishate soqqantaawo. Ammanaano Maganu addi addi elto ammanantiyoo allaalaano gede kuri ayyaanaamma afanshubba raguuyi horonsidhaawo wooyite Beetekiristiyaane sorote rosubbaa huntaawo miicaayi gargarantaawo, Maganuwiinni ikkitiyoo lophphooyi lophphitaawo, hattono ammananna baxilluuyi minantaawo.</p>	
<p><b>18. Himanate elito</b> Eyu. 2:28-29; Soq. 2:14-21; Ibr. 1:1-3; Aju. 12:17; 19:10</p>	<p>Qullaawu Ayaani afanshubba giddo mittu himanate. Kuni afanshi gatatu Beete kiristiyaane aayimma ikiyoo afansha ikkana Ellen G. Waayiti soqqanshsho gidono xawiyoo. Maganu soqqamaanchcho gede borruubase suffaawotanna Mootichchuwii mootimma (Silxaane) afidhiyoo halaalu bu'ubba ikkiitanna kurino Beetekiristiyaanete sheshifante, massaga, amaalenna seejjo uuyitaaworeeti. Insano Qullaawu Maxaafi, baalunku rosinna assooshshi fonqolamaawo bikka ikkasi xawisse wortaawo.</p>	<p>Maganu Ellen G. Waayitira himanate sokka uuyinose. Maganu isera uuyino sokkubba Beete kiristiyaanenke kalqete deerinii lophphitara kaa'litiyoo.</p>
<p><b>19. Maganu hajajo</b> Fulo 20:1-17; Faa. 40:7, 8; Mat. 22:36-40; Marro 28:1-14; Mat. 5:17-20; Ibr. 8:8-10; Yoh. 15:7-10; Eph. 2:8-10; 1 Yoh. 5:3; Roome 8:3, 4; Faa. 19:7-14</p>	<p>Maganu hajajo baayiraadda hedubba tonne hajajo giddo xaphphi yite ofolitiyootenna Kiristoosi heeshsho gidono xabbiyoote. Manchu akatenna mannu mannu ledno noosi xaado laiyoohuniino kuri hajajubba Maganu baxille, fajjonna mixo leellishshaaha ikkana baalante daganna baalante yanna mereero loossaareeti. Kuri hedubba Maganu dagasi ledno e'iyoo gondoori xintubbanna Maganu yoo kaimubbaati. Qullaawu Ayaani assooshshi garinii cubbo leelishshaawo, gatisaanchu hasiisaawonke gede macciishshamankerano baqqi assitaawonke. Gato wo'muuyi wo'ma eltoteeyi ikiina loosuyi di'ikitiyoo. Gatote gumi kaayinni hajajote hajajamate. Tini hajajama ammanaanchu (kiristiyaanu) amagnoote dhaabbachishaawohanna keeranchimmate hedo kalaqaawote. Mootichchinkera noonke baxilli hattono jaallankera noonke danchumma xawishshaatino. Ammanateeyi ka'aawo hajajama Kiristoosi wolqa heeshsho soorrate noose dhuka leellishaawonna ammanate farcirono dhaabbachishaawote.</p>	<p>Maganu hajajo fayyimankenna hagiirrenke agartaawonke. Yesuusa harunsineemmo wooyite Maganu hajajo agadhinaniiti.</p>

<p><b>20. Sanbata</b></p> <p>Kal. 2:1-3; Fulo 20:8-11; Luq. 4:16; Isa. 56:5-6; 58:13-14; Mat. 12:1-12; Fulo 31:13-17; Izra 20:12; 20:20; Marro 5:12-15; Ibr. 4:1-11; Leew. 23:32; Mar. 1:32</p>	<p>Shaqqadu kalaqaanchi leewu kalaqu barrubaayi sufe lamalki barrira fooliishshiri. Hattono baalante dagara kalaqu qaagiishsha ikkaawo gede Sanbata uurisi. Maganu soorrantaaiikki hajajubba giddo shoolki (Sanbata) hajajo Sanbata mooticha ikkiyoo mootichinke Yesuusi rosinna lawishshi ledo sumuu yiino daninii fooliishshote, magansiratenna soqqamate barra ikke aayirara xa'maawo (hajajaawo). Sanbata Maganunna mimmitu ledo hagiiruuyi wo'mitiyoo mittimma assinaayi barraati. Kiristosinii gatanke malaateeti, xalalanke leellishaahonna mootimmasira noonke ammanama xawishsha hattono Maganu gashooti giddo albilichcho heedhaawonke hegerimma qamasiisaankeho. Sanbata Isinna dagasi mereero hegere gondoori sufaawo malaateeti. Tenne xalala yanna hashii hashi geeshsha, arrishote e'aayi arrishshote e'a geeshsha hagiiruuyi aayirisa Maganu kalaqaanchimmatenna gatisaanchimmate loossanii hagiidhate (hagiiru ayyaana assirate).</p>	<p>Lamalki barri Sanbati kalaqu ayyaanaati. Wo'ma wooyite assineemmo loossa agurre Maganu ledo ikkate yanna adhineemmo xalala barraati.</p>
<p><b>21. Allaalaanchimma (Megaabinet)</b></p> <p>Kal. 1:26-28; 2:15; 1 Odo. 29:14; Hag 1:3-11; Mil. 3:8-12; 1 Qor. 9:9-14; Mat. 23:23; 2 Qor. 8:1-15; Rom 15:26-27</p>	<p>Ninke Maganu jajja toanteemmore (allaalaano) ikkine yannanna kaayyubba, danduubbanna jirubba hattono baattote atootubbanna jajjubba Isi angaayi eegote (adaruuyi) adhinoommo. Kuri ragu doogooyi horonsiranke la'iyoohunii Isi albaanni xa'mameemmo. Isiranna jaallankera ammanamme owaante aatenii hattono wongeeleu hala'laduuyi lallawamaranna Beetekiristiyaanete lophpho irkisate asiraate qolateniinna afanshubba aatenii Maganu anoomimma xawinseemmo. Allaalaanchimma baxilluyi ka'iyoo qorowo assatenna umo baxanna hinaasu aana qelle afi'namora Maganuwiinni uuyinooyinke kaayyooti. Allaalaanchu isi soqqansho widoonni wolootu afidhaawo atootinii hagiidhaawo.</p>	<p>Maganu tenne baatto, bisonkenna danduubbanke uuyinonke. Qorophinammonsaranna Isi looso loosate horonsi'nammonsara hasiraawo. Asiraate (tonne angaayi mitto) nna afansha qolleemmo wooyite Maganu maassiraawonke.</p>
<p><b>22. Ammanaanchu amagnoote</b></p> <p>Rom. 12:1-2; 1 Yoh. 2:6; Efe. 5:1-21; Phil. 4:8; 2 Qor. 10:5; 6:14-7:1; 1 Phex. 3:1-4; 1 Qor. 6:19, 20; 10:31; Leew. 11:1-47; 3 Yoh. 2</p>	<p>Ninke woshshammomohu gordu amagnooti ledo sumuu yiino daninii hendeemmo, macciishshamaankenna loonseemmo Maganu daga ikkinammoraati. Ayyaanu giddonke mootichchu sona galagale kalaqaawo gede ninke Kiristoosiha labbaawo co'ichimma, fayyimmanna hagiirre heeshshonke giddo kalaqqaa coowubba calla giddo beeqqateeyi qeechchanke fula hasiisaawonke. Tene yaano qole bohaarreemorinna hagiidhineemmo doogga baala ammanate / Kiristinnu bikkubba coommillenna biinfille baayiru deerrinii wonshitiyoore ikkitara hasiisanno. Budu addi addiha ikka wodanchinaayita ikkitanna uddiranke danna sa'iyooikkita, xuriweelo hattono halaalaanchu biinfillinke digobbaayidi kuulamaayitina ba'aikki biinfillike ikkiyoo faayyanna ge'iyoo ayyaani mannimmanke ikkitara hasiisaawo. Tini yaano qole ka'e bisinke Qullaawu Ayaani galaawa ikkiyoonte gede</p>	<p>Mannu looso / harinshsho la'ateeyi ayi Yesuusi harunsaayi nooro cooyira dandiitinaayi. Hakko daafo Yesuusi aliba ikke sa'i gede ninke shaqqadda, dancha jaalubbanna manna kaa'lineemmore ikkinammora hasiisaawo. Maganuwiinni afi'noommo afanshubba ikkitiyoo daafo bisubbankera</p>



	wodanchateeyi qorophinammosira hasiisaawo. Ikkado bisu millimillo (ispoorte)nna fooliishsho ledo dandaami deeri baaluuyi fayyimmate saga'la harunsinammora hattono Qullaawu Maxaafi giddo borreessantiiyo co'itte ikkitiyooikki sagallawiinni umonke xeertisa hasiisaawo. Dinbissaawo agubba, araddonna qorowiweelo xagganna jawaachchishshaawore horonsirano hatto bisinkera busha ikkitiyoo daafo koriwiiniino xeerti'nammora hasiisaawo. Roorenka kaayinni ninke wo'mille, hagiirrenna danchumma hasiraawo Kiristoosi amagnooti widira hedubbankenna bisonke abbaawo aayi cooyi giddo beeqqinammora hasiisaawo.	qorophineemmo.
<b>23. Adhamanna maate</b> Kal. 2:18-25; Mat. 19:3-9; Yoh. 2:1-11; 2 Qor. 6:14; Efe. 5:21-33; Mat. 5:31-32; Mar. 10:11-12; Luq. 16:18; 1 Qor. 7:10, 11; Fulo 20:12; Efe. 6:1-4; Fulo. 6:5-9; Leew. 22:6; Mil. 4:5, 6	Maate Maganuuyi Eden Genetete xintantiyootenna Yesuusino mittu labbaana mitte meyaa mereero baxillu mittima aana xintamiyoo heeshshote diri wo'mu amadama / mittimma ikkitiyoota buuxisiyoo coyeeti. Ammanaanchoho adhamate gondoorooti yaa Maganohonna minaamara / minaannira e'naayihika ikke kunino ikkara hasiisaahu ammanateeyi mitto ikkitiyoo labbaana meyaa mereero callaho. Adhantiyoori mereero noo baxilli, aayirigni, mimmito aayirisanna mootoonshu (halaafinet) tini siiwo loosantiyoo haanxe ikkitanna kunino Kiristoosinna Beetekiristiyaanesi mereero noo baxille, xalalle, mimmitu ledo shiqanna sufa / hegerimma hincilaallishshara hasiisaawo. Tidhama la'inohunii Yesuusi soorate korkaati gobbaanni minaamasi tiraawohunna wole adhaawohu sooriyoota rosiisiyo. Mite mite maate konni bu'lu gottignii shiimuyi xe'urono Kiristoosinii mittu mittoho umonsa uuyitiyoo minaanninna minaama Qullaawu Ayaani massagaayininna Beetekiristiyaanensa qorowooyi baxilluuyi wo'mitiyoo mittimma widira iillitara dandiitaawo. Maganu maate maasiraawo. Maatete miillano wo'ma le'a widira iillitara mittu mitto kaa'lara hasiraawo. Amanna annu oosonsa Mootichcha baxxaranna hajajantara qajeelshateeyi lossitara hasiisaawo. Qansaano lawishshimmansaayinna qaalinsaayi oosonsara Kiristoosi baxaanchcho seeru rosiisaancho, wo'manka wooyite danchanna qorophaancho hattono bisu (Maganu maate) miilla ikkitara hasiraawota oosonsara xawissara hasiisaawo. Maatete giddo noo lophphitaayi hadhaawo mittimma Wongeelu sokka mitte baayira / birxichcho xawishshaati.	Maganu maate baxaawo. Addaamina Hewaaniwiinni kaayise techcho geeshsha annunna ama mitteenni heedharanna heeshshonsa diro baala mittu mitto baxara hasiraawo. Baalunku manni keeraanchimmana baxama maciishshantaasi mini heerasira Maganu hasiraawo.
<b>24. Gordoho noo Qullaawu mini (Meqdesera) Kiristoosi soqqanshsho</b> Ibr. 8:1-5; 4:14-16; 9:11-28; 10:19-22; 1:3; 2:16, 17;	Gordoho Maganu mini (Beetemeqdese) no, Mootichuuyi ikki mannuuyi kaasantiyooikkiti halaalaanchcho Dunkaana. Hakko Kiristoosi ninke daafira soqqamaayi nooha ikkana konnirano Masqalu aana mitte higenna hegerera shiqishiyoo woxxate kakkalamasi horubba ammanaano baala afidhaa gede assaawo. Gordo hari wooyite Qara Qeesicha (Liqe Kahine)nke ikke moohateeyi araarshu (mamaaled) soqqanshosi hanafiyoo. Himanate 2,300 barrubba gumulora 1844 maarote diri giddo laayinkinna gumulote araarshu soqqanshosira	Gordoho Sheexaanu 'Insa cubbaataammaho' yee kasasaanke wooyite Yesuusi ninke qote uurraawo. 'Hakko manchira / hette manchora rewoommo' yaanno. Hakko

<p>Dan. 7:9-27; 8:13, 14; 9:24-27; Kiir. 14:34; Izr. 4:6; Leew. 16; Aju. 14:6, 7; 20:12; 14:12; 22:12</p>	<p>eiyoo. Soqqanshosino qorote aana xintantiyoo yoo ikkitaana tinino biree Ayihudete Beetemeqidese giddo araarshu barra (yesiriyet qen) ikkitaawo keera'mate lawishshinii xabbiyoo gumulote cubbu baalu ba'a bisooti. Hatee lawishshu soqqanshsho giddo Meqidese saadate kakkalo mundeenii keeraa'mitaaha ikkana gorduurichubba kaayinni keeraa'ma dandiitaahu Yesuusi xalala munde kakkaloniiti. Qorqoru aana xintantiyoo yoo gordoho noo huwataawo kalaqamubbara Kiristoosinii ikkite foolishshidhiyoori nootanna kurino Isinii umi reyoteeyi ka'ate giddo kaayyo afidhara ikkado ikkite kiirantiyoota leellishshaawo. Ledeno, heeshshote noori giddo Kiristoosinii ikkitiyoori Maganu hajajubba agadhitaaworeenna Kiristoosi ammana noonsare (Isinii ammantaawore) ikkansanna hakkuuyirano hegere gashshootisi widira soorramate qixaabiyoori noota leellishshaawo. Tini yoo Kiristoosinii ammantiyooore gatisasinii Maganu co'ichcha ikkiyoota leellishshaawo. Maganoho ammanamateeyi kaajjitiyoori gashshootesi adhitaawota lallabbaawo. Kunni Kiristoosi soqqanshsho goofa galagale daasi alibaanni mannu ooso gatote kaayyo gumulamase xawisaawo.</p>	<p>daafo Iso harunsanke sunfummo geeshsha Isino ninke qote uurrasi sufanno. Yesuusi galagale daasira albaanni tenne baattora heeriyoo manna baala yoote shiqishateeyi hegerera Isi ledo heerara dandaannohu aayitiro muro aanno.</p>
<p><b>25. Kiristoosi Laaynkimeeshshu daa</b></p> <p>Tiito 2:13; Ibr. 9:28; Yoh. 14:1-3; Soq. 1:9-11; Mat. 24:14; Aju. 1:7; Mat. 24:43-44; 1 Tes. 4:13-18; 1 Qoro. 15:51-54; 2 Tes. 1:7-10; 2:8; Aju. 14:14-20; 19:11-21; Mat. 24; Mar. 13; Luq. 21; 2 Tim. 3:1-5; 1 Tes. 5:1-6</p>	<p>Kiristoosi laaynkimeeshshi higa Beetekiristiyaanenke maassantiyoo hexxonna wongeeluno baayira guunxooti / gumulooti. Gatisaanchchu daa lawishsha ikkitiyooikki / xawo, bisuuyi ikkitiyoota, leelitaawotanna kalqete deerita ikkitaawo. Higaa woyiteno reeyite keeshshitu xalalli galagalite heeshsho afidhaawoha ikkana lubbote noo xalalli ledo aayirigne udidhe gordu widira haarantaawo, cubataammu kaayinni reeyitaawo. Roore himanubba wo'muuyi wo'ma yinara dandiinaayi deerinii gumulamansa, xaa baattonke dani ledo amadame Kiristoosi galagale higa lowonta rahase leellishshaawo. Hatti ikkitaawo yanna dikullooyi, hakko daafo wo'ma wooyite qixaawa ikkine agadhinammora kaajjinshshe kullooyinke.</p>	<p>Malaatta baala kulnaanke gara ikkiro Yesuusi mule daanno. Higaa woyiteno baattote noo baali la'aawosi.</p>
<p><b>26. Reewonna rewoteeyi ka'a</b></p> <p>Roome 6:23; 1 Xim. 6:15-16; Ros. 9:5, 6; Faa. 146:3-4; Yoh. 11:11-14;</p>	<p>Cubbu qorichchi reyoote. Kaayinilla Isi callu reyaannoiki Magani woxxantiyoorira hegere heeshsho aannonsa. Hatte yanna geeshsha reyoo yaa baalunku mannira mittore affaawoikki dana yaate. Heeshshonke ikkiyoo Kiristoosi leellaawo waro rewoteeyi kaiyoo xalallinna lubbote noo xalalli aayirigne udidhe Mootichchansa xaadate bubbeteeyi gordo higge haarantaawo. Laaynkimeeshshi reyoteeyi kao yaano cubataammu reyoteeyi ka'a mittu kumi</p>	<p>Cubbu baattonke easinii kainohunii mannu reyaanno. Mittu manchi reyaanno wooyite goxiyoohu hoshsha ikkana Yesuusi galagale hige</p>

<p>Qol. 3:4; 1 Qor. 15:51-54; 1 Tes. 4:13-17; Yoh. 5:28-29; Aju. 20:1-10</p>	<p>diri gedensaanni ikkitaawo.</p>	<p>woshshansa geeshsha dika'aawo.</p>
<p><b>27. Kume dironna cubbu gumulo</b>  Aju. 20; 1 Qor. 6:2-3; Erm. 4:23-26; Aju. 21:1-5; Aju. 4:1; Izr. 28:18-19</p>	<p>Kumu diri yaamamaahu albiidinna badhiidi reyoteeyi ka'a mereero Kiristoosinna xalalla gordoho mookaawo yannaati. Tenne yanna giddo cubbaataammu aana ba'ote yoo uuyinaayi. Baatto mittuno lubbo afi'no manni heeraikkittanna Sheexanunna sokaanosi calluwu heedhaa halaalinta halallite base ikkitaawo. Hatte yanna gumulora Kiristoosinna xalallasi xalalu katami ledoo gorduuyi uulla higge diritaawo. Hakiinino reeyitiyoo cubataammi ka'e Sheexaanunna sokaanosi ledoo hakko katama dooyisitanno, kaayinilla giira Maganuwiinni dirrite ittaawonsa, baattono co'itte assitanno. Hakiinino kalqe baala hegerera cubbaataammuwiinni keraa'mitaawo.</p>	<p>Yesuusi higaawo wooyite Isinii amanate doodhitaawo baala mittu kumi dirira gordo qole hare haraawonsa. Baattote gati baali reyaanno. Kumu dirra gedensaanni Yesuusinna dagasi baalu xalala katama haaro Eyerusaalame giddo ikke baato hige daanno. Hakiinino Magano gibaa baali lubbote widira higge Sheexaane harunsitaawo hate katamano ganate wo'naaltaawo. Kaayinilla Maganu cubbonna cubbataamma hegerera hunaawo.</p>
<p><b>28. Haaro baatto</b>  2 Phex. 3:13; Is. 35; 65:17-25; Mat. 5:5; Aju. 21:1-7; 22:1-5; 11:15</p>	<p>Xalalle heedhaawo haaro baattora woxxantiyoorira hegere minenna Isi heera giddo hegere heeshsho, baxilli, hagiirrinna rosira co'ichcha gaangaawa (environment) Maganu aannonsa. Hakko Maganu umisi dagasi ledoo heeraawo daafo shettonna reewoo hegerera gattaawo. Baayira sharro gumulantaawo, cubbuno konni ka'a diheeraawo. Baalunkuri, leelaarinna leelaakkiri, Maganu baxilleho yite lallabbanno, Isino hegerera moohanno. Amen!</p>	<p>Cubbu hegerera ba'i gedensaanni Yesuusi albi Eden genetete gedee co'itenna haaro baatto kalaqaawo. Hakiinino hakko hegerera heeraawo.</p>
<p>Bu'e (Umi borro afi'naayi teesso)</p>	<p><a href="http://www.adventist.org/beliefs/fundamental/index.html">http://www.adventist.org/beliefs/fundamental/index.html</a> Seventh-day Adventist Believe: A Biblical Exposition of Fundamental Doctrines, PPPA 2005</p>	<p>What We Believe for Kids J D Thomas, PPPA 2006</p>

Qixxaawo: Lamalki-barri Adveentistete Betekiristiyaane – [www.adventist.org](http://www.adventist.org)

Tiro: Amaaru afii widira Yetnbiit qaali Soqqanshsho - [www.yetnbitkal.org](http://www.yetnbitkal.org)

Sidaamu afii widira Ethio Agape Maganu Qaali Xiinxallo – [www.ethioagapebiblestudy.org](http://www.ethioagapebiblestudy.org)

**2014 M.D / 2022 G.C**

